

續

夷

堅

志

續夷堅志卷三

太原元好問裕

楊洞微

道士楊谷字洞微代州人隱居華山為人儀觀秀偉道行卓絕平生未嘗與物忤通莊易世以莊子楊先生目之明昌間詔徵高道隸天長院未幾還山其將歸也與知觀侯生食於市書數火於食案又囑侯言昨過沃州聞君母病可速歸侯以假去及至沃州而母不病侯生許語曰渠給我邪及還天長一板然矣又嘗與客游崑山白龜泉上見一石螭出客曰

蟬橫行殆天性乎洞微曰此物固橫行悵不值正人
耳隨以手指之蟬即正行晚愛中方卜居之中方儒
無泉苦於遠汲洞微言山秀如此不應無泉乃齋以
致禱筮之得吉微是時十月菴旁近葵花榮茂洞微
云於文章癸為葵此殆水微也與衆道士行尋之見
巽隅草樹間隱々微澗掘之果得泉可供數百指
然東隔絕澗南限羣峯石壁峻峭幾百步不可越洞
微與弟子呂澤輩泐壁作棧道以通往來人以棧木
易朽慮有顛擠之患乃就壁取石鑿竅嵌之疊為石
梁甃泉為池自是中方得水甚易至今人目為楊公

泉間、嘗為作文記之。又言吾友潘若淨字清容有道之士也。嘗從洞微游甚歎服之。云楊洞微當求之古人中耳。聞、後過華州追懷洞微云。前年曾就雲臺宿。知有先生在華山。今日白雲峯頂起却疑騎雀下人間。其稱道如此。

測影

司天測景冬夏二至中都以北漸差中都冬至一丈五尺七寸六分夏至二尺二寸六分晝六十一刻夜三十九刻山後涼陞金蓮川在都西州四百里而近其地窳高夏至晝六十三刻夜三十七刻上京日晷

府在都北三千里夏至晝六十四刻夜三十六
呂氏碣石錄云

獵犬

泰和五年道陵獵雲龍川興州羣犬宗室咬住進數
犬云可備射虎因上令試之犬見虎一前出誘之虎
奔逐衆犬羣起或前或後左右伺便搃噬席艱於周
旋或怒躍一二丈意欲逸去而羣犬隨及虎既因而
卧衛士前射之竟斃於羣犬

雷震佃客

陝州盧村張海與同里一農民有仇佃客叢謀誣此

人以燒麥積渠役有証之海縛農民解尉司農性純質不能自明分一死矣三人者行至南城外忽雷震佃客從空而下骨肉皆盡惟皮髮存耳士人牛耕玉親見時郭敬叔為陝令也

方長老前身

丹霞長老義方字志道尉氏人前身柳小二亦縣人大定初羣小聚議燒相國寺三門乘亂劫軍資庫凡五十人分部探姓名柳小二與一人當放火先就門下行視可以謀度舉火柳私自念言此門國力所成如木山一火之後再不可得如此功緣我乃壞之

可惜可惜感歎之際被擒州橋上訊掠而死死後託
生縣中陳家六七歲能言前世事訪父母妻子及墾
財所在信為柳小二無疑小二家供給之出家法雲
寺後嗣法鑄和尚往丹霞親為子言

老趙後身

鞏州仇家巷解庫趙九老父趙三大安二年病殆尋
生臨洮西小字街銀孫家年十六託人訪趙九說前
後身事且呼趙九來看趙九遣人往迎將出鞏州家
人奔走来迎趙九在衆中疑信尚未決孫童遙見趙
九呼小字大罵怒其不即來認見妻亦罵之指妻臂

上燒瘕及樹下窖粟處從是往來兩家州將宗室榮
祿伴李好復節度副使史舜元異其事親聞之說初
為人兩名至一大官府卒令候於門良久而出口不
須見長但從我行乘一騾至數里外入河濱一婦先
在此卒指婦云此汝母也錯愕之際為卒推水中遂
不記至三歲始悟前生云

劉致君見異人

龍山劉仲君致君年二十不貴異物民乃足牘權第
釋榻黃皇尉一日巡捕早至山寺中見壁上詩云
長梢疊葉正颺、枕底寒聲為客留野雀不來山月

墮獨眠滋味五更秋問僧誰所題言一客年可六十
許衣著丰神奇異昨夜寄宿今旦題詩而去墨尚未
乾去未遠也致君分遣弓兵踪跡之少焉兵來報客
在山中大樹下待君致君載酒往見客前揖客而與
之抗禮問姓名不荅指酒索飲致君見其談吐灑落
知其異人以平生經傳疑事質之酬對詳盡得所未
聞客亦謂致君為可與語舉杯引滿引及從者日將
夕致君與吏卒皆大醉及醒失客所在致君此後詩
學大進其外孫李內翰欽壯為予言

潼山莊氏

靈壁北四十里地名潼山有南華觀莊子之後餘二
百家族長以行第數之有二千人又有二千九翁之
目官給杖印主詞訟風俗醇厚俗中有善談元者介
休烏元章題其詩南華云試拈真理問南華生死元
如覺夢何晝夜曾停覺夢否古今還續死生麼潼山
歲々生春草睢水年々有綠波子逝於今已千歲覺
時何少夢時多

王登庸前身

王登庸平州人日合天統胸進士歷宰數縣皆有能
聲為子同年蘇鼎臣說渠前身同里劉氏女年十六

七歲采桑墮樹下傷重氣未絕而靈識已托生王家
滿月剃腹髮前身亦知痛而哭甫求往劉家其後兩
家供承令舉子劉氏父母死皆為服心喪三年

大明川異卵

曲陽醫者郭彥達曾居大明川聞一田夫董成者埽
地至門限地即高起以鍤鏟平之已而復高如是三
四疑而掘之先得一卵如椀許殼膜見中有二蛇一
黑一斑又掘得一卵比前差大彥達曉之曰神物不
可觸祭拜而送之成如言送濱河中是歲川下上雷
雨拔大木數千人以疫死者數百人

三姑廟龍見

大明蠶神三姑廟旁近龍見橫臥三草舍上觀者數百人見龍鱗甲中出黃毛其形如駝峯頭與一大樹齊腥臭不可近既墮天矯不得上良久雲霧復合乃去時已酉歲七八月間也

鏡辨

蔡內翰正甫云天定七年秋與蕭彥昭俱官都下蕭一日見過出示鏡相示曰頃歲得之關中雖愛之甚然背文四字不盡識且不知為何時物手取視之漢物也文曰長宜子孫宣和博古圖有焉出示之殆

若合符券昭驚喜有姚仲瞻在坐言曰僕家一鏡制
作亦奇宋末得於長安土人家相傳為太真奩中物
不之信也使取而觀非有楷字数十為韻語句四言
其略有華屋交映珠簾出看潛窺聖泚麗則常端等
語而紐有開元二字姚曰考其年則唐物安知為太
真之舊耶予笑而不荅徐出浮休居士張芸叟所作
冗長錄使讀其間載元祐中有耕望賢驛故地得鏡
遺予者銘為四字詩中有潛窺聖泚之句聖泚二字
皆少空意取聖為君泚為后耳與此制正合望賢去
馬嵬數十里蓋遷幸時遺之浮休陝右人得之長安

信矣彥昭歡甚以為一日有二奇事不可不書予曰
多言屢中仲尼所以譏子貢也然世喜道其偶中予
不書可乎

呂內翰遺命

呂防禦忠嗣生平經學有所付故每以古人自期臨
終教諸子云我死無火葬火葬是為戮尸無齋僧作
佛事齋僧佛事是不以堯舜又武周孔之教待我有
違我言非呂氏子孫諸子從教無一敢違者范司農
拯之梁都運斗南每為予言近歲斗南遺令送終不
以僧佛從事有自來矣

宣德狂僧

宣德聖國寺狂僧布衣藍縷獨處暗室夏月不浣濯
無穢氣常於寺之廡舍合爪向牛馬言飽齋飽齋生
徒大惡之承安中春旱州倖田公問何日當雨僧言
四月廿日雨足矣及期果然刺史為中秋釀酒僧云
刺史即東去何必釀為十四日除興中尹乘傳之官
他所言多驗范極之說

呂狀元夢鹿

呂內翰造字子成未第時夢金龍蜿蜒自天而下攫
而食之是歲經義魁南省詞賦繼擢殿元閣門請詩

有狀頭家世傳三葉天下科名占兩魁謂其大父延嗣父忠嗣典一成俱狀元也

張子雲祈仙

張子雲以廢補官嘗作金人捧露盤樂府道邈間之樂一時開傳之道陵召為書畫都監累遷冀州倅一日祈仙仙批青門引詞末句云半紙虛名白髮知多少一棹武陵歸許不如閒早怕桃花笑人老子雲即日致仕張故人仲叔說

麻姑乞樹

寧海崑崙山石落村劉氏富於財嘗於海濱浮百丈

魚取骨為梁構大屋名曰鯉堂堂前一槐陰蔽數畝
世所罕見劉忽夢女官自稱麻姑問劉乞樹槐脩廟
劉夢中甚難之既而曰廟去此數里何緣得去即滂
許之及寤異其事然亦不之信也後數十日風雨大
作昏晦如夜人家知有變皆入室潛遁須臾開霽惟
失劉氏槐所在人相與求之麻姑廟此樹已卧廟前
矣

孝順馬

宣宗朝一親軍卒畜一鐵色驄能知人指使此卒無
兼丁每上直馬自負卧具偃至下直則負之而歸他

人或遮關牽掣則作聲勢蹄齧之人莫敢近雖在軍伍或此卒他適馬自尋之必得所在卒南征墮坑塹中不能起馬跪前二足因得攬轡而上軍中盛傳為孝順馬一日中貴人勞軍淮上戲令此卒藏匿縱馬自尋馬振鬣長鳴徑到主人處中貴聞之宣宗為增卒月給

蟹臺

東京宮城東北隅有蟹臺大之中修城役夫毀臺取土及半得石函啓之中有塊石圓滑天成撼搖作動物聲破之二大蝎尾指相鉤旋轉不解見風即死人

有問張都運復亨者云遼東無蝎而蝎在石中石在
函又為土所埋人何以知其有蝎而名臺也張籌度
久之乃云埋石函者必以數知之不然是神告之也
此外我不知

陵川瑞花

先人宰陵川泰和甲子元夕縣學燒燈有以杏棗棠
枯枝為剪綵花者燈罷家僮乞之供于縣署佛屋中
四月上七日先夫人熱誦次乃見杏棠皆作花真贗
相間先人會賓示之以為文字之祥為賦瑞花詩于
年始十五矣

不食而孕

東京牛氏婦年未二十因異夢遂不食則吐且病數年之後都不減瘦乙巳歲舉一女又自乳之其姑挈見范鍊師范諭其姑婦已不食又無便溲何不令入道姑曰婦慮小女不能離耳識者意此婦食生氣故動作如常天癸時至而愛根不能割所以有子書傳中亦不多見也

右腋生子

李鍊師湛然戊申秋入關親見一婦婉身臨月忽右腋發一大瘡破胎胞從瘡口出子母皆安

李茂相法

完州守楊秀實正大中權刑部主事供輸關陝相者
李茂自南中來相人言休咎殊驗官府以其惑衆羈
管之楊与之熟狎私自言此人言休咎或壽永末路
榮顯差以自慰如言前途不遠或日久有他難祇增
憂撓耳因與茂食次問曰休咎不願知但某離老母
十月見面當在何時茂且食且笑曰君三日當拜太
夫人矣楊竊謂閩陝去京千里餘三日何緣得到食
未竟平章芮公急召楊驛奏邊事三日未日中至家
楊至今以為奇茂後入京寓惠安寺朝士爭往叩之

近侍焦春和甫入門茂即言五品五品恨來處不高耳焦本世宗家童聞茂言深恥之茂未幾被殺年三十三

雷氏節姑

雷氏渾源人是西仲南仲役姊妹行年十七嫁為應州丁倅妻雷氏羣役有不悅者訐告服內成親婚遂聽離丁謂夫人言絕婚固非我二人意然夫人此去再適人否室曰我若再嫁當令兩目瞎丁云夫人果有此心我亦當同此誓其後丁違前言再娶未幾果喪明雷氏十八寡居九十七乃終從孫希顏常欲為

文記之竟不及也

劉生青詞之謹

正和初中年陽樞人劉慎字榮輔為里人劉六作延
薦青詞劉平生有穢行榮輔作詞曲為辨理又依例
薦拔後數日榮輔作首學生魯羅兒者病中忽為物
所憑令家人請榮輔來劉至羅兒作色呵之曰汝昨
為劉六作青詞汝於誰處敢妄語耶榮輔聽罷惶惧
殊甚手寫首狀言自後更不敢復作青詞羅兒不復
有言此兒甫成童初不知青詞為何物殆是劉過惡
頭著榮輔妄為飾說邀福神故假此兒以警之耳

陵川人祈仙

陵川士人劉元方卿說兵亂後縣中人祈仙楊徵君
朴降筆詩尤奇偉不凡如論書字云汝知臺端心萬
物不可碍又云龍盤一氣雲雷定鯨化三山草木枯
一席許事者出高麗正紙求詩云霜入詞鋒月痕缺
手中不覺風雷掣如是八句後批云慎勿觸汙神物
終當飛去席氏子婦產乳未終月竊視之三日後開
卷乃無一字但空紙而已劉曾問生死之際其理何
如云死死惡死速死生非可樂死非可惡鬼之惡生
猶人之惡死但生人不知死者樂耳縣人都俞字舜

卿素不信仙鬼事一日召舜卿至前云與汝銀杏問
安在批云在汝懷中都探懷得之又批云與汝櫻桃
都問臘月安得有批云已在汝掌中矣都展手果有
一日分遺諸人連枝紅杏三十餘枝正應在壇諸人
之數或問盛冬安得有此批云此土之冬非他境之
夏乎又問他境安在批云在數万里之外問云那得
逡巡至此批云不疾而速不行而至汝不知之乎元
卿問神仙果有無幸明以告我批云子尚見疑乎元
卿令客順天屢為予言故續記於筆陳於喪亂之後
也

抱陽二龍

順天西北四十里抱陽岩寶教院大小二青龍在寺
潭中廟曰顯濟古碑說二青見於隋唐之間有將軍
之目官比刺上、大青崇寧五年封崇惠侯政和七年
進靈益公小青嘉禧侯進英澤公二龍各長二三尺
許色深翠朱墨細點間之春間仿佛成方勝花行則
昂首不類他蛇出則深行木上能興雲雨變現不測
鄉人祈賽與之酒則直立高二尺餘作首就醜飲之
故前人詩有青蛇立飲祭神酒之句二青居山陽各
有種類至數十百個都不毒螫大青一目眇其種志

然凡在山陰者皆雜地例毒螫然不敢犯山陽二青之境至則為二青之族噙殺之二族亦不往山陰村落小兒輩與之習慣至以手捧之而常族宿民家卧具中人亦不駭怪也此事唐張燕公說馮瀛王道來崇儀使大名總管邢仲良近代鄭州刺史趙攄子充皆嘗讀書於此有邢氏總志卷忘歸軒燕公石穴讀書堂明珠窩初山石崩出一穴如杯椀之半瑩滑無琢削痕似有光彩土人傳有明珠飛出故以名之近山三四里所有昇賢村屬滿城馮王故居也辛亥冬予与毛正卿德義昆仲郝伯常劉敬之諸人一遊寺

僧顯淳質有道行時年七十八說龍之美

三秀軒

李都運有之高戶部唐卿趙禮部廷玉讀書永平西
一山寺臘月桃樹一枝作花大金蟬集其上又竹林
出一笋故名所居為三秀軒後三人皆登上第極品
王履存墓

王履存墓在曲陽燕川西北白虎山之青龍碣已卯
八月完州人劫破之骨已灰燼得銀百餘星一硯一
鏡唐哀帝所賜錢券刻金字云勅葬忠臣王履存
賜錢九萬九千九百九十九貫九百九十九文其孫

周臣說

張女夙慧

順天張萬戶德明第八女小字度娥資質秀爽眼尾
入鬢丙午秋入小學生七年矣日誦數百言比戊申
二月女史屬詞孝經論語孟子易乾傳至下繫詩二
南曲禮內則少儀中庸大學儒行祭統祭義經解冠
婚諸篇班氏女戒邨氏內則內訓通喪記六卷皆成
誦日無二詩古律至十篇學書下筆即有成人之風
旦夕家居見家人或不整肅以禮責之又所誦書多
能通大義時為講說其對屬才思敏捷無小兒女子

語睡思昏、如醉惡闔心扉、似禪心桃李東風蝴蝶
殘夢關山明月杜鵑魂識者謂此詩不佳後日果得
病又四日亡甫九歲却伯常為詩吊之

脫殼楸

代州壽寧觀宗天聖中一楸樹老且枯矣海蟾子過
州賣葷死藥三日不售投藥此樹中明年枯枿再茂
人目之為脫殼楸白皦子西題詩云一粒丹砂妙有
神能教枯木再生春仙翁用意真難曉只度枯楸不
度人秦和申王嘉子告過壽寧戲道判白生云子
西詩譏觀中人汝曹尚刻石耶白因拊覆此石

金寶牌

宣政間方士能化泥為金名金寶牌長三寸半濶二寸半文曰永鎮福地代州天慶壽寧二處有之天慶
尚分在承平時人傳玩顯是泥而成指文宛然

揩牙方

茯苓之膏龍骨各一兩寒水不二兩半白芷半兩細辛五錢石燕子大者一枚小者一對末之早晚揩牙
繁時王文漢卿得此方於麟撫折守折守得於國初
洛陽帥李成折年逾九十牙齒都不疎豁亦無風蒸
王文今亦九十食肉尚能忘決之信此方之神也

碑子魚

海中有魚尾足與龜無異背上聚一殼如碑石植立之狀潮退則出岸上曝殼十百為羣聞人聲則爬沙入海濱人謂之碑子魚或魚或獸未可必也舊說蒲牢海獸遇鯨躍則吼其聲如鐘今人鑄鐘作蒲牢形刻撞鐘槌為鯨于二者有取焉蓋古人制器為物如舟車弧矢杵臼之屬初不湯作特後人不盡能知之耳然則碑表之制將亦有所本耶抑人見魚形似傳會為名也

神告胥莘公

昏莘公嘗夢泰山神告之曰敬我無福悞我無殃當善道家道久長每以此語人事見家傳

蛙化鼠

燕南安州白羊淀南北四十里東七十里舊為水所占近甲午歲忽乾涸淀中所有蛙黽悉化黑鼠噬芟草根盡土脉虛鬆不待耕墾投麥種即成就其居民不勝舉聽客戶收穫但取課而已此地山草根膠固不受耕其因鼠化得麥亦異事也淀有石刻云天荒地亂莫離此淀有水食魚無水食麩是則前此亦嘗得麥乎張侯德明說

驢腹異物

完州舊永平縣磨戶其人家畜一驢忽受病比死大
叫七日夜不絕聲剖之大腹內得物非鉄非石形如
枯樓而褊色深褐其堅若鉄石磨家不以為異擲之
麥囤中日課麥皆取於此而都不減耗如是一年鄉
人傳以為神官長石生者索去亦置麥中竟無神變
今在順天張侯家余親見

暴雨落羊頭

貞祐二年豐州楊雲鄉為寧縣令夏月暴雨過閩南
外十餘里落羊頭一大如車轂角上豎高三尺以物

怪申代州州下軍資庫收聞之朝

關中丁亥歲災變

正大四年丁亥關中災變二事平涼西草場天王塑像前後颺動凡兩晝夜不止而泥塑衣紋都不剝落知府徒單百家奴往拜之拜至三像即不動知府去動如故臨洮城中鼠晝夜作聲比屋皆然一日近四更鼠羣出中一大者如海鼠而白引羣鼠出南門門下弓排臥鼠爭道踏人面而過有不及出者入東南白草原乃不見府至此六十里劉善甫從弟潤之說

珠子冰

臨洮城外洮水冬月結小冰子如芡實負潔如一耳
邨之珠洮城中富人收貯盛夏以蜜漿調之如真珠
粉然此水上下三百里冬月望之凝白無際而著脚
即陷蓋冰珠雖亘寒亦不融結為一也

炭谷瓊花

鄂縣西南十里曰炭谷入谷五里有瓊花樹樹大四
人合抱逢閏即花初伏開未伏乃盡花白如玉攢開
如聚八仙狀中有玉蝴蝶一高出花上花落不着地
乘空而起亂後為兵所斫云

古錢

東平人錢信中按錢譜收古錢凡得數十種付之茶店劉六劉本漕司胥史家素稱好事及多收古錢聚兩家所有以錦囊貯之如譜中不記年代品竄在前劉亦有之金錯刀尤重厚今世所見繞二三分耳又有方寸七形製與錯刀同竄多推為衆錢之冠王莽大錢作燕尾狀者比今所有其大四倍文曰端布當千背後有兩字有絲布泉布貨布流布如是近十布又有一銖二銖三銖至五銖有內四出紋是方孔四角金文通輪郭者復有錢背四出文者榆莢其夕一曰五金一曰五朱殆分銖字為二也既有湧金亦有

鏤金開元錢有湧金月牙復有鏤金月牙有孔方之
上有黃勇金月牙一綫通輪郭者亦有孔方之下一
綫通輪郭者此家所畜不特古錢書畫琴暨古物無
不略具士大夫日聚于此雜客不預也東平破後不
知古物在否也

神救甄帥軍

廣州帥甄全已所歲為北兵所攻求救恒山軍恒山
逗遛不進全踰城逃死為北所獲恒以全為叛已
誅甄族故之在軍中者又刳全入頭山砦砦上人半
出運糧外軍猝至守者不之備殺虜甚眾運糧者不

知被刳坦然還若恒山軍陰伺之謀盡殺而後已是
夜若上大青鬼現眼如盃赤紅有光燄軍士驚怖散
走甄衆乃得脫

猪善友

洛西永寧一屠肆豢猪數十頭一日子弟問屠伯當
宰何猪屠伯攀圈指示羣猪驚擾獨一猪安然不動
屠伯指此猪云此猪食甚少養飼已久可宰之子弟
入圈曳之就縛噤不出一聲及刺刀喉無血亦不死
子弟白之屠伯屠伯自加刃以手探之此猪乃無心
肺屠伯大驚悟以為神像所化擲刃於地拜天地四

方誓願改業此猪既不死安然入圈尔後其家不復以糟糠飼之目曰猪善友閭里喧傳有自遠來觀者無不驚歎一隣家來請猪善友齋此猪如應諾明旦請者未至猪已坐於此家之門此家以齋食與之如是三十三日歷旬近民家幾徧躡坐一墓園中不動視之已死矣辛愿敬之為作傳

宮婢玉真

大定中廣寧士人李惟清元直者與鬼婦故宋宮人玉真遇玉真有楊柳枝詞云已謝芳華更不留幾經秋故宮臺榭只荒邱忍回頭塞外風霜家万里望中

愁楚魂湘血恨悠々此生休一詩云皓齒明眸掩路
塵落花流水幾經春人間天上歸無處且作陽臺夢
裏人又一詩云自憐華色鏡中衰輕弃前歡已自宜
不恨相逢情不盡直須白鬢望歸期李生後以庚子
夏六月暴心痛死遼東人為作傳以東都行記文多
不載

項上廟

正隆南征過烏江項羽廟引妃嬪視之因為說垓下
事頗謂衆妃曰汝輩中亦有似虞姬者否此語傳達
民間有為之縮頸者

廣寧寺鐘聲

廣寧寺有巨鐘一日撞之不鳴其聲乃在城南橋下
行人聞之無不駭懼有告寺僧具鏡鉞就橋下迎鐘
復鳴宗室仲章說

石橋火出

泰和八年冬京師大悲閣前幡竿石橋縫間連夕火
出四十餘日乃止明年大火延燒萬餘家閣亦被焚
衛王有旨救虞世南所書千手眼大悲閣題榜火氣
熾盛人離百步外不敢近云

永安錢

海陵天璽初卜宅於燕建号中都易析津府為大興
始營造時得古錢地中文曰永安一千朝議以為瑞
乃取長安例地名永安改東平中都縣曰汝陽河南
永安曰芝田中都永安坊曰長寧然亦不知永安一
千何代所用錢也

續夷堅志卷四

太原元好問裕之纂

臨淄道院

大定初山東人楊善淵買地臨淄市南立道院掘地得古甃上刻四十二字云大齊戊二年四月八日南郭石羊巷楊道圓施花磚筓三千口在天齊觀玉清宮殿上永記楊押磚匠楊本堅有為考按者此地蓋北齊時天慶觀今巷東道北尚有石羊存焉戊二年高偉天統二年丙戌歲也縣前此無官觀善淵撥土主之偶與古觀地合善淵又與道圓同姓亦異事也

盜謝王君和

馮翊士人王獻可字君和元豐中試京師待滿次一日晨起市人携新魚至擲骰錢賭之君和祝骰錢以下前程一擲得魚市人拊膺曰我家數口絕食已二日就一熟分人賒此魚望獲數錢以為舉家之食子乃一擲勝之我家食祿盡矣君和惻然哀之不取魚又以數錢遺之市人謝而去及下第西歸路經澠池早發山谷間猝為羣盜所執下路十數里天明閱客行囊一少年忽直前問君和非京師邸中乞我魚不取者乎今日乃相見於此再三恻謝并同行皆免同

郡徐安上記其事云

廣寧山龍鬪

甲辰乙巳歲廣寧夏五六月間大陰晦雷雨環作聲
不斷夜望閭山上白氣直與海接湏臾雨下終夜不
息平明水浸村落死者無限大崖高數百尺皆蕩為
平土下湧石石上有杵臼痕不知何代為岡厓所覆
壓也山顛龍鬪處留迹數十所印泥鱗甲爪痕有長
五六十尺者有長百餘尺者意羣龍聚鬪于此土人
遭此大變

宣靖播越兆

宣和中龍德宮花竹池沼間散起廬舍象村落田家
所居山莊漁市旗亭茶店無所不有悉以以下缺

女真黃

日本國冠服

焦燧業報

孔孟之後以上四條缺

張孝通寃報

大定末武清人趙士詮高販西京每過白登多宿張
孝通家其妻私焉孝通知陰蓄之一日乘士詮醉與
其子定國縊殺之投屍野中士詮久不歸子乘白登

訪之孝通先與店戶白忠友有仇私告趙子云汝父
去向白忠友宜知之趙子訴官官繫忠友訊掠不勝
苦楚雖已誣服而獄終不決明昌初白妻訴於朝朝
差賈公守謙往廉之賈密訪縣人人有言一異事云
張孝通及其子驅一騾往某處憩於道旁樹下騾逐
草而逸定國怒鞭之騾忽人語云你殺趙客更來打
我父子相顧失色他日孝通婦汲水飲騾騾又語云
你殺人却冤白家孝通父子恐語泄謀殺之以滅口
而縣人無不知者賈公以是歸報朝廷隨差刑部負
外孫某馳驛至縣收孝通父子一問即承人知神理

之不可誣也賈公仕至右丞

魏相夢魚

叅知政事魏子平嗜食魚厨人養魚百餘頭以給常膳忽夢羣魚集其身揮斥不去復夢為魚所鯁痛不能出悶亂久之乃寤自是不食魚

相字

宋末有相字知休咎者上皇書一朝字令人試之相者云十月十日天子生紹興南渡將駐于杭書一杭字問之相者云兀术將至當避其鋒太師梁王小字兀术果擁兵而南其驗如此嘗與同舍生孟津李蔚

慶之論及此予謂古無相字法殆是挾以他術耶李
曰不然此龜卜之餘意耳

夢靈丸

京師法雲寺僧律師失明數年夢中有人授一方治
內外障但瞳神水在者皆可療焉二兩莠菁子枸杞
蒺藜甘菊荆芥穗各一兩當歸地黃川芎赤芍藥防
風各一兩半十一味末之水麪糊丸桐子大空腹食
前溫水下三二十九僧服之目復明因目曰夢靈丸

呂氏所記古印章

党承旨有周亞夫銅印東唐柴揖詞歷城簿有彭宣

私印臨淄農鄭氏耕地得方寸銅印鈕作九猿猴細
小如豆諦視之形狀俱備鄭先未有子自是產九男
因寶藏此印

古鼎

燕都廟學有夾銅鼎焉高二尺受數斛篆有離明神
鼎養火六字後歸裕陵竟不曉古人作何用也郭太
傅舜俞說博平路氏一鼎無款識無文章而黃金丹
碧絢爛溢目受五升許高三尺其一稍大路氏用之
煮茶以少火燎其足則水隨沸大定中銅禁行不敢
私藏推六足折送之官足中虛折處銅植作火焰上

騰之狀天壤間神物奇寶成壞俱有數特見毀於庸人之手為可惜耳蔡內翰正夫古器類倫記二鼎云其一明曰三年二月蓋田玉山鄉農民李興穿地得高二尺兩耳有字一十行文曰王四月初吉丁亥

考之魯莊公十二年四月丁亥即周安釐王

立之歲未改元故不稱年而僅以月數焉又有一

一字必周侯伯所作之器也其一太原三交西南

九 汾水壞東岸古墓有鼎及鐘磬之屬鼎小

一 大幾三尺中作黃金色所實牛羹尚可辨

一 不及二尺凡十六等蓋音律之次也雖無

日周物也

西陰井移

月武城之東有村落名西陰民家一井移四
升椿如故也又數日一道士過此村形服與
見農具中二地礮石咄咄曰業畜乃在此耶
挾之而去村民惧凶禍將及棄家遠徙後亦無他
宮土人董德卿親見之

海島婦

玉內翰元仲集錄近年海邊獵人航海求鵝至一島
其人穴居野處與諸夷特異言語絕不相通射之中

則捫豆而笑獵者見男子則殺之載婦人還將及岸
悉自沉於水他日再往船人人執一婦始得至其家
至此還復食有逾旬日者皆自經於東岡大樹上

老人也

神變

五人同採樵出門望西風勢甚惡遲回不
復所難四人者還家一人往來樵次大
震蕩天日此人走避不及伏於溝中為
行行時此人踏風而行見同行皆神鬼
神人曰此朝城也又東行路旁一長髯

人共入廟中留此人廟門下少之呼入
長丈餘有鬼形者人形者衣皆錦繡
此人從中座勸酒中坐者不語以右手拇
次座者勸勸畢復出廟門下須臾飲散神
自起置此人不復問此人伺風定出問人
大燕東平界畱即嶽祠也行丐數日乃至家猶
一惚如心恙云智仲可說

臨晉異瓜

臨晉上排喬英家業農種瓜三二頃英種出西瓜一
菓唐瓜二分結實一千二三百顆他日耕地瓜根如

大祿立亥年定義士人樊以之親見

舜麥

河東縣舜岩出麥顆粒如常麥而無縫又色稍白每斗得麩十三斤此地二頃餘農民數家主之喻如今歲東家舜麥成至明歲西家成熟無定慮然終不出二頃之外也定襄周夢州說

平陽貢院鶴

大安初高子約取君嗣閻子秀王子正之考試平陽舉子萬人主司有夢緋衣人來謝謁者明旦試題以下語同官俄羣鶴旋舞至公樓上良久不去主司命

胥吏揭榜大書示衆云今場狀元出自河東當舉府
題聖人有金城解魁宋可封澤州省儉德化民家給
之本省魁孫當時御題獲承休德不遑康寧狀元王
綱平陽三元者果皆河東云

史學優登科歲月

河中李欽卅初生其父之才作湯餅局有相者為
史學優言君後當擢第但當出此兒門下為太晚
耳學優雅以才名自負不以相者之言為然其後欽
卅二十三省元賜第中廷試策宏詞科除應奉翰林
文字兩預主貢學優竟出其門云

日中見異物

崇慶元年冬十月北京進士趙天瑞張仲和輩十五人赴試回曉行道中日中見二物一四足獸在前一蛇繼之二物行甚速次一鳥跳躍稍緩少頃無所見是後兵動中原喪亂蘭仲大說

鎮城地陷

鎮城欲陷日州長佐史率妓樂迎官出城坐待驛亭次見一婦被髮跣足喘汗入城問之云其姑卒病買藥欲救之良久亭中人聞空際有相問答者云出城未答者言未吏卒聞之大駭怪不知所謂少之婦得

藥而出城隨陷城中無一人免者此婦殆以孝感脫
此禍歟中京史監時亦在亭中親見其婦惜不問此
婦姓氏耳

王子明獲盜

樞副中王公晦字子明澤州人初任長葛簿一日
行水邊忽一回風逐馬行或前或後數回不去子明
疑其有異緩轡從之回風入水復出者數回子明白
旁近居民襍騷卒入水索之得一屍是近日被害者
檢視衣着於所佩小革囊中得買布單目及木印一
子明嘿藏之不以語人既入縣即召布行賣布來官

欲買之積布盈庭子明一一辨視果有布是木印所
記者因甲乙推之盜尋獲一縣稱為神明事見閩
公所撰墓志

泗州題壁詞

興定末四都尉南征軍士掠淮上良家女北歸有題
木蘭花詞送旅間云淮山隱隱千里雲峰千里恨淮
水悠悠萬頃烟波萬頃愁山長水遠遮斷行人東望
眼淚舊愁新有淚無言對晚春

賀端中見鬼

吾州進士賀端中大定中宣聖廟齋宿燈下見一大

青鬼髮上指目光如炬口出火敝賀以被蒙頭伏沐
下日高諸生至乃敢出戰悚尚上定也起視水甕皆
乾硯池亦然溺器亦空人知其為渴鬼云端中出孫
國鎮之門有賦聲此舉登科

介蟲之變

東平薛价阜昌初進士嘗令魚臺嗜食糟蠅凡造蠅
廚人生揭蠅臍納樹一粒鹽一捻復以繩十字束之
糟甕上以盆合之旋取食薛一日夢昨所獲強
獄而去夜半驚寤索燭召吏將問之燭至乃見
踰罽滿前不知何從出也薛自此不食蠅外曾

孫東平賈顯之說

天慶殿柱

太原士人劉進之客衛州所居近河三夜聞哭聲訪之隣里云翁近無哭者當是鬼哭欤進之忽憶臨河有汴宮天慶殿所撤大木將作筏下河候漲落乃行云是彰德帥欲用修藥棚者古時石言於晉者此木哭乎明日筏下河哭聲乃絕曹魏青龍中取漢武帝承露金人欲置之許都臨冀金人潛然出涕李長吉有八辭漢歌

神甯渦水

西京大同府之南神甯渴泊水廣百餘畝深三文居
人取魚其中十三年前一夕大雷雨水忽飛去入渾
源東南山娘子村中復為大陂凡神甯水所經皆魚
不絕

空中人語

張顛卿名德遼州人明昌二年經童貞祐四年進士
自說大安庚午歲曾與客飲向日酌酒語執壺者云
不必滿薦誠而已忽聞空中有人言安知空中無海
量者乎衆客駭立酌數滿盃

天裂

元光壬午六月二十四日崔夏之時起任咸寧令聚
縣民豁口村計會科斂此地瀟橋六七里日在辰
巳間忽見天裂從東南至西北青氣分折數丈其中
有光盤曲如電令人震蕩不敢仰視吏民數百人皆
見振之說

高白松

徐偉官京兆夢二老人白首而長身身穿綠袍謂偉
言其他日有斧斤之厄幸為保全之偉不知所以然
夢異不忘也及移守太安會岳祠災詔復修之境內
大木皆聽採取東六十里萊蕪之高白村有古松榦

柯茂盛陰蔽二畝鄉社相傳為數百年物亦在採斫
之數鄉人父老哀禱於偉偉因悟前夢力為營護竟
免斬伐是夜夢有來謝者土人立祠其側卒生者為
之記文士張聖予賦詩云蟠根蹙足怪虬歲平頂摩
雲翠蓋張不怕雪霜侵玉瘦却愁雷雨化龍驤異材
詎肯資梁棟靈夢還能避斧斨方古天風吹不老岱
宗山色共蒼蒼

炭中二仙

臯州人賈合春前廊時丞興定二年丁丑十月以戍
役在渾池此地出炭炭穴頭露隨取而足用者積累

成堆下以薪蕪之烈焰熾然一日賈與戎卒圍火坐
忽一炭塊爆出塊破中有二白玉仙人各長二寸有
半眉目口耳形體皆具項烏巾繫如阜勒帛狀雙帶
下垂彫刻所不及賈甚珍祕兵亂中失所在

護蘭童子

益州路宣林未二十而娶未幾妻亡追悼不已鬱不
自聊夜夢妻如平生說身後為護蘭童子住翡翠菴
作詩記之云翡翠菴前花草香護蘭童子淡雲妝風
緣還却三生債不道未歸人斷腸未歸人用死者為
歸人生者為行人之義

王先生前知

東阿閻生者少從醇德先生平陰王廣道學醇德嘗告之曰汝今年二十五却後二十年當喪明作舉子不濟辛壬癸甲之術可養生試以吾言學之閻即學祿命年五十果喪明而藝亦精自言七十當有子得年八十卒如其言

邊元恕所紀二事

國兵初西來雲中先下後復納遼天祚國相怒其反復攻城破驅壯士無榆坡盡殺之中有喉絲不斷者亦枕籍積屍中得雨復甦候暮夜欲逃人定後忽見

吏卒羣至呼死者姓名隨呼皆應獨不呼此人吏卒
去此人匍匐起僅能至家求醫封藥瘡口漸合又數
月平復年七十餘病終同時曹氏小童為軍士驅逐
與羣兒亂走追及者皆以大梃擊殺之次第及曹忽
二犬突出觸軍士仆地軍士怒逐犬入人家比出兒
輩得散走逃空空中俄有執黃旗過者大呼曰國相
軍令殺人者斬殘民皆得活曹氏兒後至節度

王內翰詩識

王子端內翰泰和中賦殘菊云幽花寂寞無多子
辨與黃蜂寔蜜脾蓋絕筆也王勉道作挽詩故有幽花

絕筆更傷神之句

張甫夢應

張狀元甫唱第前夢人以物易其首手自捫之乃玉也初甚惡之繼有是應閔子秀筆記其事

山石飛墮

宣和末華山下石子岡地震之後東西易位摧壘十八村土人謂神物所移為立移山祠蘭泉張吉甫作賦吊之明昌四年秋洽水渭南之間一日晨起居人忽聞數千人呼聲望之有雲如大帷幙蔽空而過少頃開霽並山南原已移為北原矣孫通祥為文記之

近天興癸巳春秋後恒山公治軍鄧之五朶山置倉
聖朶岩以受軍租臨大屋已置二萬餘斛矣有日寅
卯間人見西北有黑雲從空而過聲勢甚惡迤邐漸
及湖上倉屋隨亦崩潰雲起而雨，後人奔視之无
是大石片方廣數畝自天而下橫兩湖之間麥倉崩
乃無一麥可尋又一異也平陰丞說

開：公主章表

壬寅歲寒食濮州靈寶會祭孤魂設醮州中程威儀
者當作高功會首人言程未嘗收錄何緣得主醮程
因往東平受明威錄一階章表皆已具銜復一雷師

者求代程至黜賜監軍董許之乃就用文牒上名銜
改程作雷黜後百餘日雷無病而死三日復活說死
入冥司云禮部問趙公管詞表以我不應改程威
儀名字但壽二紀放之暫來今告世人再不許犯且
言門外退卒甚衆即當去矣言終而化泰安布衣張
知現至濮州得此事

密崖題字

明昌末盧氏山密崖石壁高峻非人迹所到忽有題
字云道民天台司馬承禎過字大如盤墨色光瑩而
紫予過中岩謁白雲先生祠碑載承禎墓松台因有

詩云道民初不忘天台姓氏分明見密屋為問松臺
千載鶴白雲何處不歸來

秦簡夫臨終詩

陵川秦簡夫年四十困於名場即不就舉選臨終詩
云軀殼羈柙宅妻孥解迨恩雲山寂佳處隨意着詩
魂擲筆而逝時年五十七

張子野吉徵

張華子野易無體胸廷試後與諸生坐庭中忽一烏
銜小綠衣判官墮几上未幾子野擢上第

王生究報

定襄丘村王胡以陶瓦為業明昌辛亥歲歉與其子
王生者就食山東一日有強寇九人為尉司根捕急
避死無所就此家藏匿以情告云我輩金貝不貲但
此身得免願與君父子平分之王因匿盜室中滿室
坏瓦尉司兵隨過無所見而去胡父子心不自安且
利其財垂夜篝火不移時燻九人死即携金貝還鄉
數年殖產甚豐出鄉豪之上泰和中王生祀五臺將
及興善鎮恍惚中有所見驚怖墮馬遂為物所憑扶
昇至其家生口作鬼語瞋目怒罵云尉司追我輩已
得脫中分貨財足以致富便哉惡心都將我燒死尋

之數年乃今見汝償命即休時或持刃逢人亂斫其
家無奈召道士何吉卿驅逐之何至作法鬼復憑語
辨許何知寃對非法錄可制教以作黃錄超度或可
解脫胡陳狀齋壇吐露情實人始知其致富之由大
建一祠日夕祈禱生未幾竟死紫微劉尊師說

仙猫

天壇中岩有仙猫洞世傳燕真人丹成雞犬亦昇仙
而猫獨不去在洞已數百年游人至洞前呼仙哥聞
有應者王屋令臨漳薛鼎臣呼之而應親為予言已
亥夏四月予自陽雲臺宮將之上方過洞前命兒子

林儀呼之隨呼而應毅殊清遠也因作詩云仙猫聲
向洞中聞憑仗兒童一問君同向燕家舐丹竈不隨
雞犬上青雲

田德秀風悟

紫芝字德秀滄州人其父濟為部掾娶定襄趙氏生
德秀於中都生數月隣李媪見之潸然出涕人問之
媪曰老嬪一兒子生二十五歲在太學有聲以去年
凶此兒極相肖也吾兒死時老婦啣其面破此兒面
瘡口痕宛然可以証前身矣德秀幼孤養於外家多
居於忻六七歲知屬文一覽萬言十三賦麗華引詩

意驚人。有李長吉風調十六。與余游從。曾大雨後。有詩見示云。醉夢蕭森蝶翅輕。一燈無語夢邊明。虛檐雨急三江浪。老木風高萬馬兵。枕葦先秋失。殘暑湖山徹。曉看新晴對。休曾有詩來否。為問韋家好弟兄。予兄敏之私謂予言詩首二句非鬼語乎。吾謂其非壽者相也。果以弱冠下世云。

華陀帖

米元章華陀帖二十八字。靖康之變。流落民間。歷三四傳。乃入越王府。王懼為內府所收。祕之二十年。無知者。太和末。都城閉。貫道與文士輩請仙元章降筆。

貫道因問先生華陀帖神蹟超軼輝映今古汴京破
失所在先生於平生得意書定知為何人所秘願以
見告即批云當就越邱求之龐都運才卿王妃之弟
貫道以為言才卿請於妃果獲一見王薨於汴明禁
隨廢文士得從王之子密公游往往見焉東坡夢杜
子美自解八陣曷謂是書生習氣以此事觀非謬言

梁梅

壽陽歌伎梁梅承安太和間以才色名河東張狀元
巨濟過壽陽引病後孤居意不自聊邑中士子有以
梅為言者時已落籍私致之待於尼寺梅素粧而至

坐久乾杯唱梅花水龍吟張微言六月唱梅詞壽陽地寒可知然以其音調負美頗為改觀唱至天教占了百花頭上和薰未晚乃以酒屬張大奇之贈之樂府有誰知幽谷裡真有壽陽粧之句為留數日而行

軍中犬

征西軍中畜一犬每大帥舉酒部曲輩前列唱落葉曲則犬亦隨之聲節高下少不差異曲罷一聲不復作吾州王百戶辛丑年親見之

蚩尤城

華州界有蚩尤城古老言蚩尤闞姓故又謂之闞蚩尤城。芴闞氏尚多尔朱榮秀容人今定襄有尔都統者自言上世有賜田百頃至今以尔百頃家自奔管州有榮廟土人祈賽甚靈巢賊敗言滅巢族族人以平人自解有漏網者皆以平為氏子孫予有識之者貌與祕府所畫巢像相肖不欲斥其名云

德升後身

烏古論德升第進士興定戊寅以叅知政事行臺太原九月六日城陷遇害以其日受生慶陽移判倉使家兒四五歲能說前身事沈厚宥言人傳為異事德

升家一大奴從太原逃出就倉使家來問兒望見名
呼之奴為之慟但說其死不同奴言德升被斫而死
兒言赴井死游麟之言當是聞城陷一心赴井神識
已逝不復知被斫耳一僧云不然赴井者蓋殺胎耳

田德秀詩

田德秀少孤養於外祖廣寧府治中趙君家統袴間
作詩多憔悴之語亂後登凌雲臺云愁思紛紛不易
裁凌雲臺上獨褻裒亂鴉背着斜陽去寒雁帶將秋
色來破屋無烟空碎瓦新墳經雨已蒼苔天翻地覆
親曾見信得昆明有劫灰明年客死五臺无憂而戚

古人所忌王荆公詩少壯不宜輕感慨文章尤忌數
悲哀真名言也

張居士

澧州人張居士于禪學有所得臨終之歲禪坐靜室
約其徒滿百日乃開及期開戶見其凝然不動謂是
已逝良久開目拂塵而起沐浴更衣周行庭宇與親
舊相勞苦已而復入室中索帟留偈云了脫幻緣復
何幻我游戲大方從容自可擲筆而化登封張効景
說此事

米元章心經呪

朱孝一帖云心經呪從後倒念七遍吹氣枕席間螿
蟲皆不敢近試之信然

王尊師天壇之行

吾州天慶觀王尊師志常出於農家年十六七牧羊
田間一道人日來相就問汝肯隨我往天壇山否王
許之道人携之而行暮至一城忽失道人問其地乃
濟源也又問人此去天壇近遠人云百餘里耳王已
無所歸明日往天壇入陽臺宮宮中人問此兒為道
人挈來自太原北一日至天壇謂當有仙分留為香
火童子八年乃歸家人意其已死無不驚異而乃送

之天慶今年已八十六神明不衰淳質謹厚有道者也

張先生座右銘

張先生彌學東阿人平章政事壽國文貞公良輔之
父神道碑載其事內座右銘云欲求聰明先當積學
欲求子孫先當積孝以為名言

本傳

元德明系出拓拔魏太原秀容人自幼嗜讀書口不言世俗鄙事樂易無畦畛布衣蔬食處之自若家人不敢以生理累之舉不第放浪山水間飲酒賦詩以自適年四十八卒有東嶽集三卷子好問家知名好問字裕之七歲能詩年十四從陵川郝晉卿學不事舉業淹貫經傳百家六年而業成下大行渡大河為箕山琴臺等詩禮部趙秉文見之以為近代無此作也于是名震京師中興定五年第歷內鄉令正大中為南陽令天興中初擢尚書省掾頃之除左司都事

轉行尚書省左司員外郎金亡不仕為文有繩尺備
衆體其詩奇崛而絕雕剝巧縛而謝綺麗五言高古
沈鬱七言樂府不用古題特出新意歌謠慷慨扶幽
并之氣其長短句揄揚新聲以寫恩怨者又數百篇
兵後故老皆盡好問蔚為一代宗工四方碑版銘志
盡趨其門其所著文章詩若干卷杜詩學一卷東坡
詩雅三卷錦機一卷詩文自警十卷晚年尤以著作
自任以金源氏有天下典章法度幾及漢唐國亡史
作已所當任時金國實錄在順天張萬戶家乃言於
張願為撰述既而為樂夔所沮而止好問曰不可令

一代之迹泯而不傳乃構亭於家著述其上名曰野史凡金源君臣遺言往行采摭所聞有所得輒以寸紙細字為記錄至百餘萬言今所傳者有中州集及壬辰雜編若干卷年六十八卒纂脩金史多本其所著云

予抄北地素本續夷堅志四冊實遺山先生所撰也至正戊子武林新刻金史因獲一觀謹謄此傳附于所書之後云是年花朝日吳下王東越善識

遺山先生年譜畧

庚戌一歲

辛亥二歲

壬子三歲

癸丑四歲

章宗明昌元年

始讀書

甲寅五歲

乙卯六歲

丙辰七歲

丁巳八歲

宋安元年

戊午九歲

己未十歲

庚申十一歲

辛酉十二歲

殺父真州

泰和元年

壬戌十三歲

癸亥十四歲

從父陵川

甲子十五歲

乙丑十六歲

赴試并州

丙寅十七歲

丁卯十八歲

戊辰十九歲

己巳二十歲

章宗崩

衛紹王大安元年

學於郝天挺

庚午廿一歲

辛未廿二歲

壬申廿三歲

癸酉廿四歲

父隴城君卒

歸里

改元至寧八月紹
王被弒九月昇王
立是為宣宗改貞
祐元年

甲戌 廿五歲
金徒都汴

乙亥 廿六歲

丙子 廿七歲
避亂嵩山

丁丑 廿八歲
政元興定
輯錦樓

戊寅 廿九歲

己卯 三十歲
金葉汴京裡城

庚辰 三十一歲

辛巳 三十二歲
登進士第

壬午 三十三歲
改元元光

癸未 三十四歲
宣宗崩于守備土
是為哀宗

甲申 三十五歲
正大元年

乙酉 三十六歲
在史館

丙戌 三十七歲

丁亥 三十八歲

戊子 三十九歲

己丑 四十歲

官內鄉

罪內鄉

蒙古太宗元年

官鎮平

庚寅 四十一歲

辛卯 四十二歲

壬辰 四十三歲

癸巳 四十四歲

官南陽

正月改元開興四月改天興十二月蒙古共圍汴京宗出奔河北

崔立作亂立衛王子從格為梁王以城降蒙古

著壬辰雜編

輯中州集

甲午 四十五歲

乙未 四十六歲

丙申 四十七歲

丁酉 四十八歲

次濟南

著南冠錄

自大名還太原

蒙古太宗六年宗理宗端平元年哀宗傳仁于承麟自任于此此國軒承麟為亂兵所殺金三

戊戌 四十九歲

巳亥 五十歲

庚子 五十一歲

辛丑 五十二歲

壬寅 五十三歲

著集駱方

癸卯 五十四歲

甲辰 五十五歲

至格西

乙巳 五十六歲

赴東平過大石

丙午 五十七歲

蒙古定宗元年

丁未 五十八歲

戊申 五十九歲

過寧晉

己酉 六十歲

庚戌 六十一歲

還鎮州七月
過順天

辛亥 六十二歲

赴太原
蒙古憲宗元年

壬子 六十三歲

客燕中

癸丑 六十四歲

甲寅 六十五歲

出鎮陽

乙卯 六十六歲

歸汴梁

丙辰 六十七歲

丁巳 六十八歲
宋理宗寶祐五年
九月先生卒於
獲鹿

戊午

己未

庚申

蒙古世祖中統元年
世祖早聞先生名至
此將大用而已卒三
年矣